

四庫輯本別集拾遺

田原耕本別集拾遺

田原耕本

樂貴明輯

四庫輯本別集拾遺

下冊

中華書局

許應龍：《東澗集》十四卷

許應龍，字恭甫。福州閩縣（福建）人。宋嘉定元年（一二〇八）進士。歷官國子博士、國子祭酒、兵部尚書、端明殿學士等職。《宋史》卷四一九有傳。四庫館臣自《永樂大典》輯《東澗集》十四卷。現存《永樂大典》錄：

許應龍東澗集三十九條

以上三十九條，館臣漏輯者二十三條。

「失題」

真宗朝平契丹，其將李繼隆、馬知節、高瓊。契丹既請和，召宰相樞密宴於行宮，時李繼隆、石保吉預焉。保吉曰：「臣荷驅策，俾遏戎寇。雖動遵聖略，然布陣使人皆繼隆指畫。」繼隆曰：「契丹敗戮，皆出宸謀。然分憂用心，躬率將士，不如保吉。」上曰：「將士如此協和，共圖勛業，軍旅之事，朕復何憂？」以巨觴賜之。

《永樂大典》卷一萬八千二百八「將」字韻，頁一下引「許應龍東澗集」。（影印本第一百七十一冊）

「失題」

高宗朝，劉光世、韓世忠朝辭。上曰：「有告朕光世與世中『忠』有小嫌，何足校？縱有睚眦，今日朕爲之宜釋。」感泣再拜。

《永樂大典》卷一萬八千二百八「將」字韻，頁一下引「許應龍東澗集」。（影印本第一百七十一冊）

祭致政鄭公文

凡人之生，孰不教子。子而能仕，百不一二。矧登鼇頭，四海能幾。身親見之，抑又鮮矣。惟公盛福，世莫與京。蘭玉擢第，巍占魁倫。踰躋藍袂，拜舞椿庭。閭里聚觀，允謂極榮。何以至斯，積德所致。其德伊何？慈祥豈弟。有學有文，不求不忤。利物愛人，凜然風誼。獲此盛事，誰曰不宜。謂當百年，皓首龐眉。觀子振耀，紫闥黃扉。云胡不淑，夜壑舟移。方賀而弔，人所共惜。公師之封，賴有異日。某等契託年家，義均子姪。敬陳菲莫，獻歎哽咽。

《永樂大典》卷一萬四千四十九「祭」字韻，頁十下引「許應龍東澗集」。（影印本第一百四十六冊）

候官縣正惠二位神封侯制

敕：某神。《祭法》曰：「能禦大菑則祀之，能捍大患則祀之。」矧廟食已久，惠利及民。可不載加褒封，以示崇報之意。爾神像設維舊，威靈並昭。護境庇民，厥績甚茂。禱晴求雨，有感必通。俱錫侯封，用答

神睨。尚賴幽冥之相，永臻安靜之休。

《永樂大典》卷二千九百五十「神」字韻，頁一上引「許應龍東澗集」。（影印本第三十七冊）

候官縣正惠二位神妻封制

敕：某神。血食肇於有唐，廟額賜於昭代。暨乎近歲，聆蠻彌彰。朕既嘉爾侯有庇民之功，復眷厥配有贊成之美。爰稽故實，併錫徽稱。尚服寵榮，益殫順助。

《永樂大典》卷二千九百五十「神」字韻，頁一上引「許應龍東澗集」。（影印本第三十七冊）

閻氏封美人制

翟葦以朝，方正小君之位；王言如綽，復加渙號之榮。宜春郡夫人閻氏，夙夜在公，柔嘉維則。躬全四德，既有婉而有愉；序列九嬪，每必敬而必戒。肆封沐邑，曾不踰時。載嘉執事之勤，申錫美名之寵。其祗新渥，益懋芳猷。

《永樂大典》卷二千九百七十二「人」字韻，頁十二上引「許應龍東澗集」。（影印本第三十九冊）

周坦授承事郎制

登第而調官者皆給告，而居首選者獨命詞以寵之，蓋異渥也。以爾儒林發藻，贊舍蜚聲。對策听庭，著明深切。允爲佺論，可舉而行。擢冠羣英，師言咸穆。授以京秩，贊畫帥藩。萬里鵬圖，由茲發軔。其

堅素節，以副盛名。

《永樂大典》卷七千三百二十五「郎」字韻，頁一下引「許應龍東澗集」。（影印本第七十二冊）

趙沖何泉等並授武翼郎「制」

孔武有力，拱扈嚴宸。服勤累年，挽強應格。並授勇爵，仍錫身章。往服榮恩，勉圖忠報。

《永樂大典》卷七千三百二十六「郎」字韻，頁七上引「許應龍東澗集」。（影印本第七十二冊）

閻良臣可特改補保義郎制

掖庭進封，稽之舊比。表裏戚屬，悉霑恩渥。矧爾積德慶門，實生賢媛。肆頒成命，改畀官資。尚服寵榮，益殫恪謹。

《永樂大典》卷七千三百二十六「郎」字韻，頁十六上引「許應龍東澗集」。（影印本第七十二冊）

徐雄除祕書丞史彌鞏除祕書郎余元廩除著作佐郎制

蓬萊道山，清華之選也，非碩學鴻儒，蓋不輕畀。以爾雄剛毅有守，公正亡私。屢振職於成均，宜進丞於中祕。以爾彌鞏安恬不競，惓惓無華。既爲模範於金枝，盍掌圖書於祕府。以爾元廩，身端行治，學廣聞多。允爲冊府之英流，晉秉著庭之直筆。罔非吉士，允穆師言，茂對榮恩，益宏進業。

《永樂大典》卷一萬三千四百九十八「制」字韻，頁十八下引「許應龍東澗集」。（影印本第一百三十九冊）

何季羽將一官回授與父何璞制

立身揚名，以顯父母，此人子之至願也。爾子季羽，擢第奉常，通籍宰邑。欲以慶恩一秩，增封其父。特從所請，俾遂榮親之志。允爲異渥，尚克欽承。

《永樂大典》卷一萬三千五百六「制」字韻，頁十六下引「許應龍東澗集」。（影印本第一百三十九冊）

徐清叟除太常少卿兼權戶部侍郎制

昔孫伏伽言三事，當時之君嘉其剴切，不次擢用，以屬羣臣，朕甚慕之。以爾特立無朋，至剛以直。經帷勸講，屢進嘉猷。擢實副端，愈殫鯁論。肆予昇以奉常之職，仍攝貳卿。庶陪言語侍從之班，日有獻納論思之益。悉據所蘊，以副予知。

《永樂大典》卷一萬三千五百七「制」字韻，頁三上引「許應龍東澗集」。（影印本第一百三十九冊）

鄭逢辰除宗正丞兼金部郎官制

人門兼用，布列班行，所以崇德象賢也。以爾謙和通敏，克紹家聲。農扈爲丞，恪勤匪懈。擢贊宗邸，仍攝珍曹。其思睦族之方，益究理財之策。克稱厥職，則予汝嘉。

《永樂大典》卷一萬三千五百七「制」字韻，頁四下引「許應龍東澗集」。（影印本第一百三十九冊）

方大琮除著作郎兼侍左郎官制

承明著作之庭，昔人以爲文學之清選，非史才不居。必得名流，始稱厥職。以爾氣溫而和，詞麗以則。

登省闈之前列，馳宦路之休聲。策足周行，晉承外府。究心職守，見謂公勤。方擢真於蓬山，復晉司於論譔。仍兼銓選，庸示簡知。往服厥官，益宏遠業。

《永樂大典》卷一萬三千五百七「制」字韻，頁四下引「許應龍東澗集」。（影印本第一百三十九冊）

趙與憲知慶元府兼沿「海」制置制

四明兼海道之寄，任重責專。非通敏有謀，長於撫御者，朕不輕畀。以爾望重宗英，才周世用。所居而治，既馳輔郡之聲；何施不宜，復奏計臺之最。疇咨閭寄，僉曰汝諧。爰升遼閣之華，增重制垣之任。講求民瘼，訓練舟師。控扼要衝，阜通蠻舶。往修厥職，以副予知。

《永樂大典》卷一萬三千五百七「制」字韻，頁十四下引「許應龍東澗集」。（影印本第一百三十九冊）

別之傑除祕撰兼制置副使制

朕惟荆襄傷殘之餘，兵力單弱，民生凋瘵，捍防經理，實難其人。非資已試之才，曷任維藩之寄。以爾身兼數器，望冠羣公。曩帥荆南，寬明精練。理內禦外，克壯其猷。兵悅民懷，邊塵不警。今茲某帥，僉曰汝宜。特升祕殿之華，俾貳制垣之任。徒得君重，勉爲朕行。不惟慰舊治去思之心，抑以成真儒無敵之效。勉圖康濟，以寬顧憂。

《永樂大典》卷一萬三千五百七「制」字韻，頁十五上引「許應龍東澗集」。（影印本第一百三十九冊）

參知政事李鳴復除知樞密院事兼參知政事制

立政惟人，既克勝於重任；定位以德，宜晉總於洪樞。渙號維新，師言允穆。具官某，德全而才鉅，識遠而量宏。中不倚，和不流，每務愛君而憂國，告於內，順於外，未嘗揚己以取名。晉陞參預之司，益厲忠嘉之節。以經綸自任，而志安社稷；雖聲色不動，而勢尊朝廷。肆陞有密之班，兼領疑丞之職。仍加多邑，併衍真奮。噫！允武允文，已足爲萬邦之憲；善謀善斷，豈難折千里之衝。其體至懷，共圖丕乂。

《永樂大典》卷一萬三千五百七「制」字韻，頁十八上引「許應龍東澗集」。（影印本第一百三十九冊）

劉震孫除太常寺主簿制

奉常禮樂之司，素號清選。而勾稽之職，其事尤簡。然繇是而登要路者，前後相望也。以爾名臣之裔，博雅清修。學問深造於精微，議論每殫於剴切。客臺簿正，允穆師言。其振之家聲，以待予之器使。

《永樂大典》卷一萬四千六百七「簿」字韻，頁四下引「許應龍東澗集」。（影印本第一百五十四冊）

董槐除宗正簿制

勾稽宗寺，雖事簡職閒，然華塗要津由茲而升者，前後相望也。爾奮身儒級，遇事精明。中外踐更，蔚有休譽。擢陞茲職，益觀爾能。尚克欽承，勉圖報稱。

《永樂大典》卷一萬四千六百七「簿」字韻，頁七下引「許應龍東澗集」。（影印本第一百五十四冊）

王瓚除大理寺簿制

詩曰：「淑問如皋陶。」在泮獻囚獄訟之事，固儒者之素知也。明啓刑書以佐其長，其誰曰不能？以爾奧

學雄文，蜚聲黌舍，以儒術而飾吏，奏最邊城，入覲中宸，奏陳剴切，勾稽棘寺，必能援古誼以決疑。勉修厥官，嗣有褒擢。

《永樂大典》卷一萬四千六百七「簿」字韻，頁十下引「許應龍東澗集」。（影印本第一百五十四冊）

李遇兩易司農寺簿

錢穀之任，號爲劇煩。必得通才，始堪迭任。以爾文學政事，咸精其能。樞務提綱，課額增羨。晉升列院，曷究所長。外府大農薦司簿正，蓋無施而不可，故未久而復遷。往既乃心，以需異渥。

《永樂大典》卷一萬四千六百七「簿」字韻，頁十三上引「許應龍東澗集」。（影印本第一百五十四冊）

錢相除國子監簿制

勾稽冑監，職閑事簡。雖號冷曹，然華塗要津由茲而升者，前後相望也。以爾稟資凝重，遇事精明。宰邑佐州，厥績用懋。典司綸告，未究所長。擢實此官，以養資望。往祇厥職，嗣有寵榮。

《永樂大典》卷一萬四千六百八「簿」字韻，頁四下引「許應龍東澗集」。（影印本第一百五十四冊）

與薇特授承務郎

官不及私，固無濫予。例所當得，盍舉彝章。爾榮邸近親，端凝和粹。帥垣贊畫，綽著休稱。剡牘上聞，盍示褒寵。矧有舊比，近已舉行。宜渙明綸，晉陞京秩。益思信厚，以稱恩榮。

《永樂大典》卷七千三百二十三「郎」字韻，頁六上引「許應龍東澗集」。（藏上海圖書館）

程公許：《滄州塵缶編》十四卷

程公許，字季與，一字希穎，號滄州。敘州宣化（四川）人。宋淳熙九年（一一八二）生。嘉定四年進士。累官中書舍人，禮部侍郎，權刑部尚書。《宋史》卷四一五有傳。四庫館臣自《永樂大典》輯《滄州塵缶編》十四卷。

現存《永樂大典》錄：

程公許滄州塵缶編五十九條

以上五十九條，館臣漏輯者三十六條。

紅白芙蓉

木蕖三數株，能白又能朱。曉暮淺深色，醉醒容態殊。流霞釀玉甌，抽汞養丹爐。模寫終難盡，秋江有畫圖。

《永樂大典》卷五百四十「蓉」字韻，頁二十四下引「程公許滄洲塵缶編」。（影印本第三冊）

曉月未沒順風泛太湖期以明日與悅齋會

明月伴我酒家眠，五更順風催放船。月波蕩湖湖欲溢，扶桑奪染半天赤。湖山破曉鬱青蒼，坐覺山與

船低昂。少年負氣隘湖海，老雖斂縮餘習在。叩舷一笑宇宙寬，甕天那可差別觀。蒲帆瞬息幾百里，峨峨閭門尺有咫。五湖千古自清風，詰朝持叩伏柱史。

《永樂大典》卷二千二百六十「湖」字韻，頁十下引「程公許滄洲塵缶編」。（影印本第十八冊）

倅教授判官皆爲東湖有賦次韻

其一

逶迤三徑帶重湖，心眼經營念厥初。問俗只須無事治，僱工適際有年書。雪融趁急栽花柳，春到隨宜辦果蔬。最喜城隅便來往，不嫌奔走費臺輿。

其二

交情郁穆兩監州，采藻依蓮總俊遊。冰潔霜明相並照，渭清涇濁豈同流。號堂擬把新題和，錦里還思故事修。荷蕩花溪總幽絕，臘須栽竹柰霜秋。

《永樂大典》卷二千二百六十二「湖」字韻，頁十四上引「程公許滄洲塵缶編」。（影印本第十九冊）

正之二十八日忽小霽領數客過東湖若水有賦爲次韻

積雨釀成寒料峭，漫遊稍覺意清真。癡雲妬日吞還吐，弱柳含煙巧闢新。簪屐招呼參楚蜀，肴蔬釘飯雜冬春。却嫌車從妨佳趣，那得臨流岸白綸。

《永樂大典》卷二千二百六十二「湖」字韻，頁十四上引「程公許滄洲塵缶編」。（影印本第十九冊）

李貳車約飲東湖

西湖繞遍又東湖，永夜論文酒淺斟。最愛霜林梅蘸水，擬撐小艇訪林逋。

《永樂大典》卷二千二百六十三「湖」字韻，頁十五上引「程公許滄洲塵缶編」。（影印本第十九冊）

范石湖東歸過鄉國名之芙蓉城余以季夏來遊適荷花稱意紅之時雁湖環

湖尤甚盛李子先家小池界金數朶花品之最高者各紀以詩

其一

振袂芙蓉城裏游，香風十里勸人留。瓦盆最恨廉泉陋，歸與誇張定自羞。（左綿城中不容鑿池，廉泉堂下僅列瓦甕數十，以栽蓮耳。）

其二

芙蓉城下六月秋，最好雁湖湖上游。周遭一機雲錦爛，併與老仙供唱酬。

其三

環湖曲曲露香清，醉袖褰風取意行。翻愛李園方沼碧，界金幾朶艷羞頰。

《永樂大典》卷二千二百六十六「湖」字韻，頁八上引「程公許滄洲塵缶編」。（影印本第二十冊）

遊石湖

雨過春塘水慢流，喚船聊作石湖遊。水亭風檻（一作：巖居川觀）今餘幾，越壘吳臺相對愁。笑拂壁題如覲面，憶從鄉老話遨頭。不知化鶴曾歸否，更撚梅花一餉留。

《永樂大典》卷二千二百六十六「湖」字韻，頁八下引「程公許滄洲塵缶編」。（影印本第二十冊）

三湖

官柳三千詔「詔」蜀州，天涯流浪得重遊。苦無東閣梅花句，小爲西湖竹色留。

《永樂大典》卷二千二百六十七「湖」字韻，頁三十五下引「程公許詩」。（影印本第二十冊）

入青城山門詩

其一

入山佳氣異他山，翠邏周遭幾復關。流水白雲無盡藏，莫教容易到人間。

其二

一逕石牆分竹色，兩橋澗水和松風。山靈憐我嗜幽勝，洗出林巒晚照紅。

《永樂大典》卷三千五百二十五「門」字韻，頁二十三下引「程公許滄洲塵缶編」。（影印本第四十九冊）

借宿洞門五絕

其一

身是西來旦過僧，洞門一再解行滕。老師若許中分魯，也會漫天話葛藤。

其二

傳語岳前五百牛，塵緣誤我意無繆。靈山幸有三生契，更約天台度石橋。

其三

一枕駒駒客夢長，忽聞鐘梵響雲堂。舌根久厭蘊鹽味，洗鉢聊分豆粥香。

其四

意行忽上凌雲閣，粉雉周遭山四圍。何似清音亭上座，峨眉掃翠雪濤飛。

其五

石筍岳頭爛熯遊，異聞要驗佛低頭。却教古佛低頭笑，笑殺癡人枉刻舟。

《永樂大典》卷三千五百二十五「門」字韻，頁二十五上引「程公許滄洲塵缶編」。（影印本第四十九冊）

謝慧明王道士自大面山寄贈三詩并蜜黃精

其一

與君一再會岷山，共把匏尊中聖賢。強說市朝爲大隱，何如山澤友臞仙。空中皓月參心地，海面浮漚悟世緣。安得一龕時晤語，笑披雲霧豁青天。

其二

尺書觀縷寫衷誠，大面山前兩日程。黃獨潤含崖谷味，清詩吟作澗泉聲。灰心久已安枯寂，月指何勞借發明。更與草菴求扁榜，太虛底處強安名。

其三

三復君詩想洛陽，令人憤極意飛揚。鼎湖知有威靈在，魏闕欣聞孝里彰。一念變遷無量劫，寸心寂照大圓光。君能勘破皆泡幻，長與喬松燕玉房。

《永樂大典》卷八千五百二十六「精」字韻，頁十九上引「程公許滄洲塵缶集」。（影印本第九十四冊）

贈山老借館

三生雲水僧，失脚困下吏。每逢道人語，莫逆猶夙嗜。況茲法龍象，共飲良有味。寶坊寄羈氛，一室淡如水。蹇驢劣馳騖，人門輒心醉。向來筆楚塵，火急須湔洗。淨名方丈室，逼塞諸天侍。可憐一毫端，